

I piscadori è u mare

Mare, mare...

Senti l'omi chi ti chjamanu,

Mare, mare...

Guardendu lu vastu oceanu.

Ramentati una volta

Quell'acula marina

Purtata da u libecciu

Chi curava a marina.

Ramentati le sponde

Di la mio terra amata

Di mille cani è gridi

A l'ora di l'ambata.

Mare, mare...

Senti l'omi chi ti chjamanu,

Mare, mare...

Guardendu lu vastu oceanu.

Per vince fretu è fame

O quanti piscadori

Sulchighjavanu l'onde

Spechju di tant'albori.

N'ai nutritu tante

Ghjente di u locale

Famiglie per quale ormai

Si move u timpurale.

Mare, mare...

Senti l'omi chi ti chjamanu,

Mare, mare...

Guardendu lu vastu oceanu.

Sia torna un amicu

Un mena micca tantu
Ma dacci, mare eternu
Stu rigalu tamantu.

Aprè a scatula verde
Lucichente à l'intornu,
E sponè qui per noi
U pesciu d'ogni ghjornu.

Mare, mare...
Senti l'omi chi ti chjamanu,
Mare, mare...
Guardendu lu vastu oceanu.

M.Frassati / G.C Acquaviva
A Filetta.